

乾隆大藏經



國立中央圖書館出版品預行編目資料

乾隆大藏經／〔傳正有限公司編輯部編〕——初版

1997〔民86〕面；19公分x26公分

ISBN 957-97227-1-4（一套：精裝）

藏經——168冊

8608110003

內政部製版權登記核准文號

台(86)內著字第(8614611)
(8616761)
(8618003)

乾隆大藏經

（豪華精裝本）
全套一六八冊

編著處：	本公司編輯部
出版處：	寶印佛經流通處
地址：	彰化市中山路二段九六四號一三樓（B棟）
電話：	（〇〇二）八九九一—九一三九
傳真：	（〇〇四）七二六—七四〇〇
郵政劃撥：	〇五五九九五〇—一七 郭秀蘭
承印處：	福峰彩色印刷有限公司
電話：	（〇二）二九八二—〇九五六

一九九七年十二月出版

御製

佛光恩照 三千大千 隨緣徧滿
恒沙法界 普度衆生 悉證菩提
身心安泰 年時豐稔 風雨調順
日月升恒 乾坤清寧 百昌蕃熾
上下樂利 中外協和 庶物咸亨
萬善圓成 情與無情 同登正覺
大清雍正十三年四月初八日

此土著述(廿)

第 131 冊

一五·一五四五 大方廣佛華嚴經論四九卷(四五至四九)(亦名：新華嚴經論)

唐方山長者 李通玄造……………一

(十五—十九)

卷四五(十五)……………一

卷四六(十六)……………一七

卷四七(十七)……………三〇

卷四八(十八)……………五三

卷四九(十九)……………七八

一五·一五四六 解迷顯智成悲十明論

唐太原 李通玄撰……………一〇三

敘(十) 宋寶覺圓明禪師惠洪覺範撰……………一〇四

卷一(十)……………一〇六

一五·一五四七 六祖大師法寶壇經一卷

門人 法海等集……………一二一

敘(寔一)……………一二二

贊(寔一) 宋明教大師 契嵩述……………一二四

卷一(寔一)……………一三〇

一五·一五四八 止觀大意一卷

唐天台沙門 釋湛然述……………一五一

卷一(寔二)……………一五二

一五·一五四九 始終心要一卷

唐天台沙門 釋湛然述……………一六七

卷一(寔二)……………一六七

一五·一五五〇 法華三昧行事運想補助儀一卷

唐國清沙門 湛然撰……………一六八

卷一(寔二)……………一六八

一五·一五五一 集諸經禮懺悔文四卷(一至四)

唐西崇福寺 釋智昇撰……………一七一

(實三一—實六)

卷一(寔三)	一七二	卷二(寔四)	一八四
卷三(寔五)	二〇〇	卷四(寔六)	二一三
一五·一五五二 十不二門一卷		唐荆溪尊者 湛然述	二二七
卷一(寔七)	二二八	宋四明沙門 知禮述	二三九
一五·一五五三 十不二門指要鈔二卷		卷上(寔八)	二四二
序(寔八) 宋東山沙門遵式述	二四〇	序(寔十) 宋雲間沙門 淨岳撰	二八八
卷下(寔九)	二六五	唐天台沙門 湛然述	二八七
一五·一五五四 金剛鉍一卷		卷一(寔十)	二八九
一五·一五五五 大方廣佛華嚴經懸談疏鈔會本(一至二九)			
(亦名：大方廣佛華嚴經疏序會本演義鈔) 清涼山大華嚴寺沙門澄觀撰述	三一五		
(寧一—寧十、晉一—晉十、楚一—楚十)			
科文序(寧一)	三一六	科文(寧一)	三一七
經疏演義鈔序(寧二)	三四〇	卷一(寧二)	三四八
卷二(寧三)	三五八	卷三(寧四)	三七四
卷四(寧五)	三九三	卷五(寧六)	四〇九
卷六(寧七)	四二三	卷七(寧八)	四三七
卷八(寧九)	四四九	卷九(寧十)	四六一
卷一〇(晉一)	四八〇	卷一一(晉二)	四九六
卷一二(晉三)	五一三	卷一三(晉四)	五三二

卷一四(晉五)	五四七	卷一五(晉六)	五六三
卷一六(晉七)	五八〇	卷一七(晉八)	五九八
卷一八(晉九)	六一四	卷一九(晉十)	六三四
卷二〇(楚一)	六五七	卷二一(楚二)	六七四
卷二二(楚三)	六九二	卷二三(楚四)	七〇七
卷二四(楚五)	七二四	卷二五(楚六)	七四一
卷二六(楚七)	七五七	卷二七(楚八)	七七三
卷二八(楚九)	七八九	卷二九(楚十)	八〇四



清刻龍藏佛說法變相圖

大方廣佛華嚴經論卷第四十五 十五

唐方山長者李通玄造

入法界品第三十九之六

◎第三十迴向位十知識

◎第一廣大國鬻香長者主救護一切衆生

離衆生相迴向

五

△第一正入當位法門從爾時善財已下至我唯知此調和香法於此段中以立五門餘下諸位亦倣此樣例然一正念善知識教思惟昇進二漸次遊行至長者所三致敬禮足四正申所求五長者說其自行授與善財隨文釋義者從爾時善財童子已下有十願門明入迴向以願和融一切真俗染淨智悲無礙之門漸次遊行者昇進也至廣大國者以願起智興無盡行接引衆生也乃至如十方

世界微塵刹中一一塵內有無盡佛法及身
行接引衆生一切十方國刹塵中悉皆如是
如帝網重重無盡以願行廣大故國名廣大
於第四正申所求門中長者答言我善別知
一切諸香有二義一實知世間諸香二以香
表法一實知諸香者即經所說所知一切香
總體燒塗末是別陳香王出處已下是隨生
業類所生諸香是已下人間有五種香羅刹
中一種香天中有四種香總共有十種香其
功能如經自具以將如上諸香表十迴向爲
明香性無依能發衆善滅一切惡明大願無
依能興無量善根故起無量大智之雲雨無
量白淨法雨行無量大慈悲行化無量衆生
令得滅苦發無上意若無大願不能發起大
菩提心設修解脫悉皆二乘人間有香名爲

象藏此香因龍鬬所生燒之一丸起大香雲
彌覆王都於七日中雨細香雨若霑著身身
則金色者表如十住位中初發心時以七覺
之香起大願雲廣興悲行普覆一切衆生求
一切智以止觀龍與十二有支煩惱共鬬徹
空無際生智慧火然大智香起慈悲雲雨白
法雨衆生霑者即初發心時便成正覺若著
衣服宮殿樓閣亦皆金色者明因起大願迴
向香所有一切世間忍辱慈悲觀智總會法
界自在白淨法故若因風吹入宮殿中衆生
興者七日七夜離諸憂苦不驚不怖不亂不
恚慈心相向志意清淨者明轉轉而聞亦皆
歡喜發大願門起七覺意我知是已而爲說
法者明欲勸衆生發無上覺心者要先勸發
廣大願迴向起堅誠誓願之心先數三十七

Q102 / B1

十五

二

品七覺行華方堪為說至真之道如是勸修
 萬無失一摩羅耶山者此山在南天竺境摩
 利伽耶國此國依此山立名此山多出白梅
 檀香此山出梅檀香名牛頭若以塗身設入
 火坑火不能燒明治地住以起大願力及迴
 向力以上上十善法身無性之理以成戒體
 用塗其身迴向入生死火坑貪瞋愛火不能
 燒害海中有香名為無能勝若以塗鼓及諸
 螺貝其聲發時一切敵軍皆自退散者明修
 行住以法忍成就迴入生死海中教化眾生
 以忍辱心聞一切善惡聲音鼓惡邪怨敵自
 然退散阿耨達池邊有沉水香名蓮華藏其
 香一九如麻子大若以燒之一九香氣普熏
 閻浮提界眾生聞者離一切罪戒品清淨明
 生貴住達三界業皆無障礙常生佛家無垢

十五

三

清淨此同第四地位得出三界業以本四弘
 誓願之心迴入生死四流大池中教化一切
 沉溺生死眾生皆無染著名蓮華藏演微妙
 法香徧熏十方聞者罪滅戒品清淨雪山有
 香名阿盧那者是赤色香也堪以染緋若眾
 生齷此香者其心決定離諸染著者此是具
 足方便住禪波羅蜜門以大願迴向生死令
 諸眾生染習禪波羅蜜得入離垢三昧以雪
 山表是禪定體自白淨無垢體故羅刹界中
 有香名海藏其香但為輪王所用若燒一九
 而以熏之王及四軍皆悉騰空者明表以第
 六正心住以三空智慧為羅刹迴入生死海
 以般若輪王燒智慧海藏香熏生死王四種
 魔皆昇法空已下總表十迴向以十住十行
 中願行和融生死涅槃真俗二智悲智二門

使令自在十地依此而修成就法界自性無
作緣起道理以燒香塗香合香以表之令學
者易解皆倣此知之若十住十行十地中若
無迴向大願力但得二乘之道不可有成佛
者故有修行之士大須善得其儀明觀教意
總別同異成壞六相從我唯知此調和香法
者明調和真俗二諦智悲願行生死涅槃染
淨自在之香及以青蓮華名號表之已下推
德昇進餘義如文自明△二推德令善財昇
進中從如諸菩薩已下至辭退而去有十行
經分爲五門一推德昇進二示善知識方所
三舉善知識所居城名樓閣四舉船師名婆
施羅五頂禮而去隨文釋義者南方義如初
釋城名樓閣者此近南海下濕人多以作樓
閣而居亦約差別智以十迴向中和融萬法

總別同異重重以立城名船師婆施羅此云
自在明於生死海中得自在此爲十迴向中
以能入生死海行大慈悲以爲戒體十住中
以觀生死海十二緣生以爲性自清淨本唯
佛智故以爲戒體十行之中明工巧法相法
算法世間技藝饒益衆生以爲戒體此十迴
向以真入俗處生死海主導衆生成慈悲行
以爲戒體如是三位修戒各有同異昇進法
則船師者師以大慈悲爲戒體常住處生死
海往來度衆生故如歎德中具明大意云具
足成就無所著戒如船師度人不住此岸不
住彼岸
○第二樓閣城婆施羅船師主不壞迴向
△第一正入當位法門中從爾時善財已下
至我唯知此大悲幢行若有見我及以聞我

與我同住憶念我者皆悉不空此段門中分爲五門一念善知識教思惟昇進二漸次遊行往詣彼城三見其船師在城門外海岸上住四禮敬合掌申其所求五船師授與善財自行法門隨文釋義者見船師在城門外海岸上住百千商人及餘大衆圍繞此有二義一實有此行以主導入海商人及採寶者爲海險難非聖智不知二表法以自得真門出纏離苦以其願行成大悲海常臨生死海岸引接衆生百千商人表戒波羅蜜中萬行圓滿無量大衆表行徧周滿一切諸行經云往一切智大寶洲因成就不壞摩訶衍因者摩訶云大衍云乘所說之教總云大乘教遠離一乘怖畏生死住寂靜三昧旋還此明歎譽善財明能以寂靜三昧處生死旋還利生不

出故善男子我知此海中一切寶洲一切寶處一切寶類一切寶種一切寶器如是實有此智聖智所知世間諸法表法者我知海中一切寶洲者明達一切智洲一切寶處者善別賢能諸根利鈍一切寶類者善知同行類別行類一切寶種者善知大小乘差別種我知一切寶器者知衆生大小根器堪與何法而成熟之一切寶用應根與法令任其作用一切寶境界三乘一乘三寶境界一切寶光明者三乘一乘智慧大小光明我知淨一切寶者三十七道品十波羅蜜五停心觀方便是淨一切智寶方便鑽一切寶者止觀二門是出一切寶者善能依根設教令現智寶故作一切寶者以無相智起差別智以大願風興大慈雲雨諸寶雨化一切衆生和合心境

令使無依自能顯現一切智寶故一切龍宮
難處者淨土菩薩如龍分有慈悲遊空神足
一分自在夜叉喻聲聞能空三毒亦得神通
羅刹宮難處者喻緣覺居涅槃海能空無明
及諸佛一切智種不現前故如是等難悉皆
以迴向願力同處生死不害無明十二有支
達取無明成佛種智處法界緣生自在門名
爲悉皆迴避免其諸難亦善別知漩復深淺
者愛取有業深淺也波濤遠近者情識想念
攀緣多少水色好惡者愛心善惡亦善別知
十五
日月星宿運度數量晝夜晨晡晷漏延促者
明了世事中明陰陽玄象五星行度數風起
時分晷漏四時延促皆悉知之表法中明五
位進修及三乘差別教分行門隨行隨根迴
轉軌則方法時熟解脫日月歲劫所經多少

悉能知之其船鐵木堅脆機關澀滑水之大
小風之逆順如是一切安危之相無不明了
者實知此事表法者明善知三乘迴心未迴
心堪入生死不堪入生死根器成熟及未成
熟一乘中菩薩第六住第六地現前處生死
中得出生死心三空智慧寂滅現前七住七
十五
地菩薩於出生死中常處生死八住八地得
無生忍現前菩薩無功智現前任運利生九
住九地學佛十力四無畏十住十地一分與
如來出世智慧解脫知見齊圓住佛灌頂位
十一地方學普賢神通妙行至普賢行品方
終如來出現品中佛果文殊普賢三法法身
根本智差別智方始理智大慈悲如先所發
願稱願圓滿如三乘教中後得智以普賢行
教化衆生此一乘中名字教法說似前後如

是昇進不出一剎那際如三乘因前果後道滿三祇如是一乘見道在初發心住中加行行因在十行十迴向十地十一地如是船之鐵木安危澀滑悉能知之乃至知根遲速應止即止且止三乘及以人天法中乃至五停心觀根若熟者應行即行令使昇進一乘法中以生死性十二有支便爲法事大智用故已下大意如然善男子我將好船運諸商衆至安隱道乃至引至寶洲與其珍寶咸令充足然後將領還閻浮提者是事表法中明從初發心住得佛根本智自此已去經後諸位中皆與說其妙法至於十地一切智智之道珍寶已滿十一地中還當送至本所舊住生死海中以此所得一切智智之珍寶廣利無盡衆生此明約修行昇進作如是說使令

易解而亦不出生死海中成大寶洲自餘如文自具此皆約事理說託事表法令生解故此是第二不壞迴向善知識船師云我將大船往來無始無有令其一損壞者若有衆生得見我身聞我法者令其永不怖生死海必得入於一切智海者是不壞迴向義以戒波羅蜜爲主餘九爲伴約智門中諸位通治約位門中以成大慈悲戒以海中船師所表往來常不出生死海故成大悲幢行已下推德昇進△第二推德令善財昇進中從如諸菩薩已下至辭退而去有十行經約分爲五門一推德昇進二示善知識之方所三舉善知識所居之域名可樂四舉善知識之名號曰無上勝五禮敬辭去域名可樂者以長者善明斷決人間種種諸事復能說出世之法衆

生樂之不捨故城名可樂長者號無上勝者
此是忍波羅蜜門處衆行之中忍爲殊勝又
德藝過世間故號爲無上勝餘行約前歎中
所說

○第三可樂城無上勝長者主等一切佛迴
向

△第一正入當位法門中從爾時善財童子
已下至一切處修菩薩行清淨法門無依無
作神通之力於此段中約立五門一念善知
識教思惟升進二漸次經歷到於彼城三見

十五

九

無上勝長者在其城東無憂林中商衆居士
無量百千之所圍遶四投身於地禮敬而起
五正申所請無上勝便授自所行法門隨文
釋義者漸次經歷到彼城內者升進入位名
內見無上勝在城東者明以智利生爲東表

不住本位東方表智以就俗引衆生發明生
位也西方表慈悲如下以觀世音菩薩住金
剛山之西阿表慈悲位也以此是等一切佛
迴向佛者覺也以角宿是東方之宿以角主
僧尼道士衆善之門俗作此角計所主屬合
作此覺也爲主衆善門故角爲天門衆善也
以此在城東普賢智行以東表之表明生衆
善之首觀音大慈悲行以西方表之以西方
是金金爲白虎主秋主殺以慈悲主之以是
經云明練十方儀式主方神又主方神隨方
迴轉意明隨方法迴轉以度衆生然實大象
性自無形體虛融而非跡隨方表法法逐緣
分聖人垂訓於俗纏還以俗緣中事物而表
法只如亡言之理不可以引蒙絕象真源不
可以益俗是故以方隅而表法執之者還非

利俗啓迷廢之者復失今者利俗啓迷以城東是引迷明生起衆善之義亦以房爲青龍是世間福德之位無憂林中者此主忍波羅蜜以忍成滿處行無憂故林者以此長者行徧十方隨形而廣蔭羣品以行廣多覆蔭故爲林亦以化他令無憂故爲無憂林也無量商人百千居士之所圍繞者是所化之象表以愚易智以智易愚以惡易善亦爲商人常處生死以行仁德化利羣品名爲居士此約行釋善財童子觀長者爲衆說法已以身投地表十迴向大體約迴真入俗以大慈悲善忍爲地再云我是善財我是善財者表求法深重也亦明達我無我以成忍也已下長者告善財所行之行名成就一切處菩薩行以明如一切佛迴向十方一切世界一切衆生

十五

十

所行無不徧故如下文具明如十住中從初至第三住見三比丘表從世間修出世間法此從初迴向見三長者是純俗流合香船師無上勝等明從真入俗名爲迴向此是等一切佛迴向中善知識以忍波羅蜜爲主餘九爲伴約智門中諸位通治約位門中治入生死海中忍不自在障令得法忍自在前十住十行明修出世間離苦忍此位明入世間中成就慈悲饒益忍以此十迴向中捨身肉手足國城妻子有來乞者無厭恨心倍增歡喜

十五

十二

第四住十地第四地出三界纏生如來家以迴真入俗成無染慈明比丘是出俗義尼是慈音明迴向行位法門非男女性示相表法也以實而言此尼是此位法故表以真入俗和融真俗是非染淨二見諍故成法性理智處俗恒真無染之慈以滅真俗有無染淨二見鬪諍故成就第四至一切處迴向行精進慈以此城名鬪諍林者明慈行徧周覆蔭廣多故故名爲林亦約此比丘尼報得莊嚴衆寶林樹廣多故號爲林國名輸那此名勇猛者是精進義爲此是第四精進波羅蜜此教皆是託處託事表法以事即法也尼名師子頻申者約德行成名如師子頻申者明慈悲適悅行徧十方教化衆生無有疲勞法樂義也如人身心舒適悅樂也表比丘尼雖行徧

十方善和鬪諍心恒出俗也明迴向中處纏無染慈故

○第四迦陵林城師子頻申比丘尼主至一切處迴向

△第一正入當位法門中從爾時善財童子已下至我唯知此成就一切智解脫門於此段中約分五門一漸次遊行至彼國城二周徧推求此比丘尼三衆人告語比丘尼之所在四善財詣彼勝光王日光園中觀察見比丘尼所有依報五善財合掌申請所求比丘尼授與善財自行之法如第四善財詣勝光王日光園中觀察見比丘尼之依報中及大衆莊嚴有十三種一寶樹莊嚴二七寶流泉陂池及華莊嚴三寶樹下師子座莊嚴四衆寶嚴地五林雨華香莊嚴六音樂樹及以衆

十五

十二

寶鈴樂音和鳴莊嚴七天衣莊嚴八百千寶樓閣莊嚴及寶蓋莊嚴九如須彌峯光明莊嚴十宮殿莊嚴十一歎比丘尼所有功德出世善根供養諸佛之所生起十二歎比丘尼志德三業現化業用周徧見者不空十三明大衆圍遶此已下三十種衆皆明此比丘尼攝生行徧隨根授法各各不同直至十一地金剛智次隣佛位已來衆總皆攝化明一位徧五位行故一位皆然皆行徧法界如是重重鍊磨以五十三法一百一十城法方稱總別同異成壞無盡自在之法一位中皆徧一切位也爲顯一法徧多法故以一位徧一切行故爲顯多法入一法故安立五位五百法門入一法故明總不異別別不異總如帝網相入也如上勝光王之所捨施者是事

表法者明一切智忍慈三法總會故比丘出

家捨飾好是忍尼是慈悲義勝光王是智明

以願力迴向入俗行精進行和會忍智慈總

攝五位之行總爲一法界體用故以師子頻

申是法界門中法悅樂故從此精進行中會

十五

十三

此三法忍智慈至第七第八迴向位中見觀

音正趣菩薩方始齊故後之二位修佛十力

作用也前三長者非無此智忍慈此約升進

勝劣言之表長者猶明智多悲劣尼表悲心

處世無染童女表染而不汙波利質多羅樹

者此云香徧此樹根莖枝葉悉皆徧熏忉利

諸天此乃約行徧熏法界迦隣衣此云細綿

衣婆樓那天此云水天普眼捨得等十般若

門如經具明是比丘尼所說之法如是無數

百萬般若門日光園者以忍智慈爲園體善